

## Nofio Gyda'r Llif

Ti a minnau mewn dau fyd  
Mewn dau feddwl be i wneud o hyd  
Ai aros am synnwyr i ennill y dydd  
Neu nofio gyda'r llif.

Ti a minnau ar wahân  
Fydd ddim byd eto fel y bu o'r blaen  
Pen i waered aeth y byd  
Wrth nofio gyda'r llif.

Un edrychiad fel deg gair  
Un cyffyrddiad fel addewid daer  
Byw am yr eiliad rhag colli y dydd  
Gadael y glennydd  
A nofio gyda'r llif.

Dwy galon yn curo fel un  
Dim byd amdani ond croesi'r ffin  
Gwrthod pob cyngor, a derbyn y gwir  
Rhaid nofio gyda'r llif.